

附釋音周禮注疏卷第十四

鄭氏注

賈公彥疏



均人掌均地政均地守均地職均人民牛馬

車輦之力政

政讀為征地征謂地守地職之稅也地守衡虞之屬地職農圃之屬力征人民則治

城郭涂巷溝渠牛馬車輦則轉

疏

均人至力政。釋曰均人所均地政已下摠均

委積之屬。政音征出注下同。畿內鄉遂及公邑云均地政者謂均地守地職二者之稅使皆十一而出稅又均人民已下力征之事。注政讀至之屬釋曰鄭破政為征者以經政是政教之政非征稅之征故破之也鄭又知地征是地守地職之稅者以其出稅無過均守地職二者故知之也云地守衡虞之屬者亦謂畿內川衡林衡山虞澤虞皆遣其地之民守護之及其入山林川澤取之者使出稅以當邦賦云地職農圃之屬者此即大宰九職云一曰三農二曰園圃之屬以九職任之因使出稅也云力征已下并車輦並是力之征稅若然土均云掌平地之政以均地守以均地事以均地貢注云所平之稅邦國都鄙也與此

鄉遂及公邑別彼又云地貢鄭云謂諸侯之九貢與此九職之貢又不同也

凡均力政以歲

上下豐年則公旬用三日焉中年則公旬用

二日焉無年則公旬用一日焉

豐年人食四鬴之歲也人食三鬴為

中歲人食二鬴為無歲歲無贏儲也公事也旬均也讀如營

營原隰之營易坤為均今書亦有作旬者○上時掌反鬴房甫反營音均又舒均反

疏

凡均至日焉○釋曰此所均力政者即上人民之力征不通牛

馬車輦放禮記王制云用民之力歲不過三日是此亦據人而言也云以歲上下者上即豐年下則儉年也豐年則公旬

用三日者公事也旬均也謂為事均用三日也○注豐年至旬者○釋曰鄭知豐年人食四鬴已下者案廩人云人四鬴

上也人三鬴中也人二鬴下也而知之彼又云不能人二鬴則令邦移民就穀此時則無力征矣若然此食二鬴而言無

年無年者鄭云無贏儲仍未移民就賤此無年與彼不能人二鬴之歲不同彼不能人二鬴自然無贏儲也云公事也者

此天子之法非諸侯之禮不得為公君解之故從公事而釋也云旬均也者王制既云用民歲不過三日明不得為旬十

日解之故破從均恐不平故云均也云讀如營營原闕之營者彼詩營營是均田之意故讀從之云易坤為均今書亦有作旬者彼易坤為地地德均平是以均為義今書今易書有作旬字者旬與均旬與均俱有均平之意故引為證也

札則無力政無財賦

無力政恤其勞也無財賦恤其乏困也財賦九賦也

疏

凶札至財賦。釋曰凶謂年穀不孰札謂天下疫病則無此力征及財賦二事此即廩人云不能人二鬴之歲。注無力至賦也。釋曰云財賦九賦也者此即大宰九賦謂口率出泉知賦中惟是九賦者以下文有地守地職故此惟有九賦也若然上均地政不言不收地守地職不均地政均九賦亦均之可知

不收地守地職不均地政

不收山澤及地稅亦不平計地稅

三年大比則大均

有年

也非凶札之歲當收稅乃均之耳

疏

注有年至或闕。釋曰經既云大均無年太平計之若

久不脩則數或闕

明知有年及無年皆須太平均計之也云久不脩則數或闕者三年一闕是其久久不脩謂

不大平計則其中間不知其數不知其數則是數闕也

師氏掌以媿詔王

告王以善道也文王世子曰師也者教之以事而諭諸德者也。○媿

音疏師氏至詔王。釋曰：嫩美也。師氏掌以前世美善之

美疏道以詔告於王。庶王行其美道也。注：告王至者也。

釋曰：引文王世子者，彼是師氏教世子禮，引為詔王者，但詔

王以道無文，彼教世子與教王同，故取以為證也。諭曉也。諸

於也，彼謂教世子以君臣父子長幼之，以三德教國子

事而曉之以德。今詔王亦曉之以德也。

一曰至德以為道本，二曰敏德以為行本，三

曰孝德以知逆惡，教三行：一曰孝行以親父

母，二曰友行以尊賢，良，三曰順行以事師長。

德行內外之稱在心為德，施之為行至德中和之德，覆燾持

載含容者也。孔子曰：中庸之為德，其至矣乎？敏德仁義順時

者也。說命曰：敬孫務時，敏厥脩，乃來孝德，尊祖愛親，守其所

以生者也。孔子曰：武王周公其達孝矣乎？夫孝者，善繼人之

志，善述人之事者也。孝在三德之下，三行之上，德有廣於孝

而行，莫尊焉。國子公卿大夫之子弟，師氏教之，而世子亦齒

焉。學君臣父子長幼之道。行下孟反，下及注同。知

音疏稱尺證反，燾徒報反，說音悅，孫音遜，夫音扶。

三

至師長。○釋曰：以此三德教國子。王太子已下至元士之適子也。云一曰至德，以爲道本者，至德謂至極之德，以爲行道之本也。二曰敏德，以爲行本者，謂敏達之德，以爲行行之本也。三曰孝德，以知逆惡者，善父母爲孝，以孝德之孝，以事父母，則知逆惡不行也。此上三德皆在心而行，不見故。鄭云：在心爲德也。云一曰孝行，以親父母者，行善事父母之行，則能親父母。冬溫夏清，昏定晨省，盡愛敬之事也。云二曰友行，以尊賢良者，此行施於外人，故尊事賢人。良人有德行之士也。云三曰順行，以事師長者，此亦施於外人行，遜順之行事受業之師及朋友之長也。○注德行至之道。○釋曰：云德行，內外之稱，在心爲德，施之爲行者，案禮記云：恥有其德而無其行，則德在內行在外也。又見經至德，敏德道行爲本，道行是施之於外之名，又孝德行知逆惡，亦是在外之事，則知三德皆在內，與外行爲本。又三行云：親父母之等，故云施之爲行也。云至德，是中庸之德也。云覆燾，持載含容者也。者此至德，卽中庸所云至誠一也。彼說至誠無息不息，則久久則微，微則悠遠，悠遠則博厚，博厚則高明，博厚所以載物，高明所以覆物，是至德若天地覆燾，持載含容者也。云孔子曰：中庸之爲德，其至矣乎者，此是論語雍也之文引之者，證此至德與中。

庸之德爲一之意云敏德仁義順時者也者人君施政春夏
行賞爲仁秋冬行罰爲義是仁義順時敏疾爲德者也又引
說命曰敬遜務時敏厥脩乃來者尙書說命之篇傳說告高
宗以學問之事孫順也敏疾也厥其也爲君之法當恭敬順
道務在順時疾而行之則其德之脩乃從學而來引之者證
仁義順時之義也云孝德尊祖愛親守其所以生者也者孝
德不如上二德直能善父母爲孝施德於親而已故云守其
所以生者也又引孔子曰武王周公其達孝矣乎至之事是
禮記中庸文言二人通達行孝者也云天孝者善繼人之志
善述人之事者案中庸上文云無憂者其惟文王乎父作之
子述之則善繼人之志據周公以武王時未大平不得制禮
作樂周公攝政六年大平乃制作禮樂爲善繼文王之制則
尙書云考朕昭子刑乃單文祖德是也善述人之事者據武
王能述父以伐紂之事則尙書序云惟十有一年武王伐殷
是也云孝在三德之下三行之上德有廣於孝而行莫尊焉
者欲見至德敏德五帝已上所行直明在心爲德而已不見
其行孝德是三王已下所行德行兼見之矣故三德以孝德
爲下故云德有廣於孝則至德敏德是二德廣於孝德也而
行莫尊焉者三行之中孝行施於父母爲上順行友行施於
外人爲下故云而行莫尊焉莫無也無尊於事父母也云

子公卿大夫之子弟者此經直言國子案禮記士制云春秋
教以禮樂冬夏教以詩書下文云王太子王子羣書之太子
卿大夫元士之適子皆造焉故知國子之中有卿大夫之子
也鄭不言王太子及元士之適子者略言之其實皆有也王
制惟言大子適子不言弟鄭知兼有弟者大司樂及此下文
皆云教國子弟連弟而言故鄭兼言弟也云師氏教之而世
子亦齒焉學君臣父子長幼之道者此約文王世子文也案
彼云行一物而三善皆得者惟世子而已其齒於學之謂也
故世子齒於學國人觀之曰將君我而我與我齒讓何也曰有
父在則禮然然而衆知父子之道矣其二曰將君我而我與
齒讓何也曰有君在則禮然然而衆著於君臣之義矣其三
曰將君我而我與我齒讓何也曰長長也然而衆知長幼之節
矣是世子與國人學生齒焉之事案此經有至德敏德孝德
老子亦有三等之德案老子道經云道可道非常道河上公
云謂經術政教之道非自然長生之道常道當以無爲養神
無事安民含光藏曜滅跡匿端不可稱以道又案德經云上
德不德凡以有德河上公注云上德大古無名號之君德有
無上故言上德不德言不以德教民因循自然其德不見故
言不德是以有德者也又云下德不失德是以無德注云下
德謂號謚之君德不及上德故言不失德以其德見其功稱

是以謂之無德又云失道而後德失德而後仁失仁而後義失義而後禮注云道衰德化德衰而仁愛見仁衰而忿爭明義衰而聘行玉帛又案握河紀堯曰皇道帝德非朕所專又中候義明云洞五九禮闕郵注云闕止郵過言五帝後洞三王之世其治各九百歲當以禮止過也案此諸文言之此至德覆燾持載含容之德同於天地與老子常道及上德不德爲一物皆是燧皇已上無名號之君所行故河上公云上德無名號之君所行也此敏德則老子云可道之道非常道下德不失德之德亦一也故河上公云政教經術有名號之君所行以其三皇五帝爲政皆須仁義順時故鄭云敏德仁義順時也若然老子云失道而有德失德而有仁者是三皇行可道之道五帝行下德不失德之德即堯云皇道帝德亦謂此道德於此經同爲敏德也其三王同行孝德耳其老子又云失德而有仁失仁而有義失義而有禮禮專據三王之時故云洞五九禮闕郵若然仁義在禮前德後則五帝與三王俱有仁義故禮記云堯舜率天下以仁而民從之又云禹立三年百姓以仁遂焉是以仁義關在五帝三王之間者也若然禮記云生乎今之世反古之道謂不行今之法全行古之道故非

居虎門之左司王朝

虎門路寢門也王日視朝於路寢門外畫虎焉以明

勇猛於守宜也司猶察也察王之視朝若有善道疏至王

可行者則當前以詔王○朝直遙反注及下皆同

朝○釋曰言師氏之官既知三德三行故居路門之左畫虎

之處司察王朝若有善事可行者則前告王有所改爲也○

注虎門至詔王○釋曰鄭知虎門是路寢門者其路寢庭朝

及庫門外之朝非常朝之處司士所掌路門外是常朝口所

朝之所經云司王朝明據此朝故鄭以路

寢門外解之此即上文以美詔王之義也

掌國中失之

事以教國子弟教之者使識舊事也中中禮者也失

爲得記君得失若春秋是也○中疏掌國至子弟○釋曰

鄭丁仲反注中中禮者同杜音得

其善惡得失故掌國家中禮失禮之事以教國之子弟國之

子弟即王太子已下言弟即王庶子以其諸侯已下皆以適

子入國學庶子不入故知也○注教之至是也○釋曰云教

之使識舊事也者即中失之事是也云中中禮也又引子春

之言義從古書中爲得謂得禮者中與得俱合於義故兩從之

言若春秋者玉藻云動則左史書之言則右史書之是記君

得失之事故云若春秋也此春

秋即魯史是也謂記君之事也

凡國之貴遊子弟學

焉

貴遊子弟王公之子弟遊無官司者

疏

凡國至學焉

之貴遊子弟即上國之子弟言游者以其未仕而在學游暇習業。在貴游至猶學。釋曰云王公之子弟者此即王制云王太子王子羣后之太子卿大夫元士之適子公即三公羣后卿大夫元士之子略言之也云游無官司者官司則事繁不得為游故鄭以無官司解之鄭既以游為無官司又引子春游當為猶言雖貴猶學者亦義得兩通故引之在下也

凡祭祀賓客會同喪紀軍旅王舉則從

舉猶行也

故書舉為與杜子春云當為與謂王與會同喪紀之事。從才用反與音預下同

疏

凡祭至則從釋曰祭祀則

郊廟及山川社稷是也賓客謂諸侯及卿大夫來朝聘或在朝或在廟會同亦或在畿內或在畿外軍旅謂出畿外征伐王舉者舉行也此數事王行之時師氏則從以王所在皆須詔王以美道故也。注舉猶至之事。釋曰既訓舉為行又引子春從故書為與者亦聽治亦如之。謂王舉於野義得兩通故亦引之在下也。疏。聽治亦如之。外以聽朝。治直吏。疏。聽治亦如之。釋曰即上數事王所在皆有朝反下同。疏。以聽治之故從王亦如上虎門之左同故云亦

如使其屬帥四夷之隸各以其兵服守王之

門外日

蹕

兵服旃布弓劍不同也門外中門之外蹕止行人不得迫王宮也故書隸或作肆鄭司農

云讀爲隸

疏

使其至且蹕○釋曰云使其屬者屬即序官師氏中大夫之下有屬官上士二人并有府

史胥徒之等

使此人

帥四夷之隸若秋官蠻隸之等各使四

夷隸以其本國之兵器及其服以守王之門外以衛王并使

蹕止行人故云且蹕也○注兵服至爲隸○釋曰云兵服旃

布及弓劍者東方南方其服布其兵劍西方北方其服旃其

兵弓矢云門外中門之外者案閭人掌中門之禁則中門內也人不得入明在中門之外朝在野外

則守內

列

內列蕃營之在內者也其屬亦帥四夷之隸守之如守王宮

疏

朝在至內列

釋曰云朝在野外即上文聽治是也○注內列至王宮○釋

曰云內列蕃營之在內者言蕃營之在內謂若司戈盾云及

舍設蕃盾者也案司隸職云守野舍之厲禁上文云使其屬

帥四夷之隸則二處皆帥四夷隸守之故云其屬亦帥四夷

之隸守之如

守王宮也

保氏掌諫王惡

諫者以禮義正之文王世子曰保也者慎其身以輔翼之而歸諸道者也

疏

保氏掌諫王惡。釋曰掌諫王惡者師氏掌三德三行以美道詔王保氏以師氏之德行審喻王王有惡則諫

之故云掌諫王惡。注諫者至者也。釋曰云諫者以禮義正之者君臣主義故知諫者以禮義諫正王也引文王世子者彼亦是教世子法以教世子法保護王身同故引之

而

養國子以道乃教之六藝一曰五禮二曰六

樂三曰五射四曰五馭五曰六書六曰九數

乃教之六儀一曰祭祀之容二曰賓客之容

三曰朝廷之容四曰喪紀之容五曰軍旅之

容六曰車馬之容

養國子以道者以師氏之德行審諭之而後教之以藝儀也五禮古

凶賓軍嘉也六樂雲門大咸大韶大夏大濩大武也鄭司農云五射白矢參連剡注襄尺并儀也五馭鶚和鸞逐水曲過

君表舞交衢逐禽左六書象形會意轉注處事假借諧聲也
九數方田粟米差分少廣商功均輸方程贏不足旁要今有
重差久桀句股也祭祀之容穆穆皇皇賓客之容嚴格矜莊
朝廷之容濟濟踴踴喪紀之容涕涕翔翔軍旅之容闕闕仰
仰車馬之容顛顛堂堂玄謂祭祀之容齊齊皇皇賓客之容
穆穆皇皇朝廷之容濟濟翔翔喪紀之容纍纍顛顛軍旅之
容暨暨諮諮車馬之容匪匪翼翼。馭音御德行下孟反下
文及注同刻羊甚反注之樹反下同襄音讓本作讓諸音非
差初佳反又初宜反下同重直龍反夕桀音的沈祥易反此
二字非鄭注嚴如字又音儼濟子禮反又音齊下于泥反又音
仰木又作印玉剛反濟皇上子禮反又音齊下于泥反又音
往纍顛上律悲反下音田又如字暨其器反諮五格反匪芳
非疏而養至教之。釋曰此道即上師氏三德三行故鄭
反疏云以師氏之德行審喻之乃教之六藝已下此乃保
氏所專教也。注養國至翼翼。釋曰案文王世子云大傳
審父子君臣之道以示之少傳奉世子以觀大傳之德行而
審喻之師也者教之以事而喻諸德者也保也者慎其身以
輔翼之而歸諸道者也不云保氏以師氏之德行審喻之者
鄭以義約之少傳既以大傳之德審喻之明保氏亦以師氏
之德行審喻之可知故鄭言之耳云五禮吉凶賓軍嘉大宗

伯文六樂雲門已下大司樂文先鄭云五射白矢已下無正文或先鄭別有所見或以義而言之云白矢者矢在侯而貫侯過見其鏃白云參連者前放一矢後三矢連續而去也云剡注者謂羽頭高鏃低而去剡剡然云襄尺者臣與君射不與君並立襄君一尺而退云井儀者四矢貫侯如井之容儀也云五馭者馭車有五種云鳴和鸞者和鸞者在式鸞在衡案韓詩云升車則馬動馬動則鸞鳴鸞鳴則和應先鄭依此而言云逐水曲者無正文先鄭以意而言謂御車隨逐水勢之屈曲而不墜水也云過君表者謂若毛傳云裼纒旃以爲門裘纒質以爲櫛間容握驅而入輦則不得入穀梁亦云艾蘭以爲防置旃以爲轅門以葛覆質以爲檠流旁握御輦者不得入是其過君表即裼纒旃是也云舞交衢者衢道也謂御車在交道車旋應於舞節云逐禽左者謂御驅逆之車逆驅禽獸使左當人君以射之人君自左射故毛傳云故自左膘而射之達于右隅爲上殺又禮記云佐車止則百姓田獵是也云六書象形之等皆依許氏說文云象形者日月之類是也象日月形體而爲之云會意者武信之類是也人言爲信止戈爲武會合人意故云會意云轉注者考老之類是也類一首文意相受左右相注故名轉注云處事者上下之類是也人在一上爲上人在一下爲下各有其處事得其宜故名

處事也云假借者令長之類是也一字兩用故名假借也六
曰云諧聲者即形聲一也江河之類是也皆以水爲形以工
可爲聲但書有六體形聲實多若江河之類是左形右聲鳩
鳴之類是右形左聲草藻之類是上形下聲婆娑之類是上
聲下形圖國之類是外形內聲闕闕衡街之類是外聲內形
此聲形之等有六也依鄭義案孝經緯援神契三皇無文則
五帝已下始有文字故說者多以蒼頡爲黃帝史而造文字
起在黃帝於後漢蓋而多者也云九數者方田已下皆依九
章算術而言云今有重差夕桀句股也者此漢法增之馬氏
注以爲今有重差夕桀夕桀亦是算術之名與鄭與案今九
章以句股替旁要則旁要句股之類也云祭祀之容穆穆皇
皇至堂堂者皆是先鄭以意所釋不依經典故後鄭不從後
鄭云祭祀之容齊齊皇皇賓客之容穆穆皇皇朝廷之容濟
濟翔翔已上皆禮記少儀文喪紀之容纍纍顛顛軍旅之容
暨暨諡諡禮記玉藻之文車馬之容匪匪翼翼凡祭祀賓
亦少儀文故鄭少儀注還引此六儀以證彼也

客會同喪紀軍旅王舉則從聽治亦如之使

其屬守王闈

闈宮中之巷

疏

凡祭至王闈。釋曰言亦如之已上與師氏同

從王之事其屬守王闈者亦謂在國其師氏守中門外此保氏守王闈門

司諫掌糾萬民之德而勸之朋友正其行而

強之道藝巡問而觀察之以時書其德行道

藝辨其能而可任於國事者朋友相切磋以善道也強猶勸也學記曰

強而弗抑則易巡問行問民間也可任於疏司諫至事者

國事任吏職。強其丈反注同易以政反釋曰以時書

其德行道藝者此萬民時所習即大司徒所云以鄉三物教

萬民一曰六德知仁聖義忠和二曰六行孝友睦婣任恤此

德行也彼又云三曰六藝禮樂射御書數即此道藝也云辨

其能而可任於國事者案鄉大夫職云與賢者能者賢謂德

行能謂道藝彼則賢能俱與此直云辨其能可任於國事不

言賢者既辨其能則賢者自然亦辨而舉之可知也。注朋

友至吏職。釋曰案鄭注論語同門曰朋同志曰友則彼其

其在學者切磋以道義此勸萬民為友朋則若孟子所云守

望相助出入相友者同故鄭云切磋以善道也云任吏職者

案鄉大夫所舉者謂鄉民之有德行道藝云辨其能為吏職